

張子徐味冰著

# 庫邊雜考

長樂黃蕤以題檢



張子徐味冰著

# 庫遊雜考

長樂黃 蘇以題檢



# 庫游雜存總目

自序一

自序二

著者四十小像

著者三十七歲小像（庫游時年歲）

著者跨駝小像

長途牽駝旅行照片

蒙古人所住之蒙古包照片

蒙古人鬥力照片

蒙古人剪羊毛照片

蒙古人跳鬼照片

庫游雜存 總目

一

蒙古人乘駝代步照片

一 導言

二 余之赴蒙任務

三 外蒙政治情形

四 兩次赴蒙旅行之日數及經過之路綫

五 蒙古途中之氣候

六 蒙古人之衣食住行

七 蒙古人之財產及營業

八 蒙古之貨幣及其經濟政策

九 蒙古之教育及其消極改革宗教

十 蒙古之交通

- 十一 蒙古之關隘及其檢查嚴
- 十二 蒙古之天然弭盜法
- 十三 外蒙物產之豐富
- 十四 外蒙之森林
- 十五 外蒙之商業
- 十六 我國人之外蒙僑居難
- 十七 不諳蒙古語言文字之旅行難
- 十八 蒙古人之嗜酒
- 十九 蒙古人之戀愛自由
- 二十 蒙古人之善騎
- 二十一 蒙古道中之所見

二十二 觸目驚心之往轍

二十三 詩稿附存

一 庫游道中作

二 庫倫再游紀念

三 再游庫倫歸國賦此誌感

二十四 結論

著者自跋

## 庫游雜存自叙

帝網重重，華鬘纓絡，耳目所接，妙麗無極，此秦  
鈞天之境也。雪饕風虐，裂膚墮鬚，吞氊飲渾，以  
此蘇武李陵陷於匈奴之境也。凡人生所遭際，無論爲愉  
快，爲困阨，極可痛可驚可喜之殊，要必有大異乎恒常者  
，始足深印於吾人之腦海，歷久而不忘。世每謂際遇之奇  
者曰如夢。庸詎知本吾腦海中之印象以蒸爲夢，復本人類  
之思潮及個體之業力，以造成環境。夢也！覺也！寧有別  
乎！矧浮生若夢，古人已先言之。吾但取其有可痛可喜可  
驚之一端，足使吾不忘，且持以示人，人亦以爲有可痛可  
驚可喜者存斯可耳。

味冰

幼而許國以身，奔走四方，固常



歷可驚可愕之境；而以二次庫倫之游爲尤奇。既歸國，同人輒叩以所歷，而難於覩縷以告也，乃撮爲斯册以應之。凡關於彼邦之記載，爲詩歌，爲筆記，爲圖畫，攝影，皆彙入焉；故命曰雜存云。覽斯册者，以爲蒙地之寫真鏡也可，以爲味冰歷史中之一段也可，卽以爲味冰之舌人也亦無不可。民國十六年四月漢陽張子徐味冰

又

這本書是我由庫倫回國後集的。當時高興，還草了一篇叙。嗣後車輪馬足，把他丟在行篋裏，彷彿是不用的伴當。今年忽被朋友見了，慫恿我排印出來，莫辜負他跟隨我這幾年的辛苦。我便重複細看，覺得蒙地狀況，如在眼前。但是原書是隨手抄撮，不甚詳細。現在把艱難困苦的情形，總叙一叙，連我近日的感想，都寫在下面；算是此書付印的緣起同凡例，也算是我自序的第二篇。

(一) 探路的原因，是無路可循。或重山，或深谷，或大沙漠，沒法進行，所以要探開一條路綫。

(二) 走到大戈壁，雖是晴天，明明有太陽，雨雪仍靠靠

不住。

(三) 大沙漠本來一望無邊，若遇風沙大雪，東西南北都迷了，日日要用指北針瞄準前進。

(四) 斷糧遇匪十餘次。最苦是二次探路，斷糧三回，隨從人們，愈飢愈寒，不能支持，幸遇着野獸，用槍打來充飢，纔免於死。

(五) 偶遇一人，又因言語不通，毫不能得些幫助。偶見蒙古包住蒙古人，羊糞堆的數尺深，毫不能稍事休息。那種失望情形，自己回想，也可憐得很。

(六) 沿途無人烟。第二次經過地方，尤甚荒涼。

(七) 狂風大雪，卽不辨晝夜，只有看得見便走，看不見


便住。我國平話小說中，記人行路說的五里一牌，十里一村，曉行夜宿，饑餐渴飲這些話，全不適用。

(八) 大風來了，飛沙走石，頭破手破，不止一次。小說中祭起法寶口中唸唸有詞，就飛沙走石的這句話，到實現了。

以上記的也不過大概，不能不說是困苦，我並非害怕受苦。林同志烈敷說的：要做事業，須有人棄我取的精神。近來的人，都歡喜往熱鬧處去，所以東南就擁擠的要出汗，西北就冷淡的要出鬼。只是我與烈敷同志，一則幾游新疆，一則再赴庫倫，總算是不負所言了。咳！只是受了辛苦

。吾人的目的，不過爲的是國家的強盛，人民的幸福。於今回顧自己，只能算一事無成。這本冊子，只可留作我個人紀念，或者叫後起的人努力罷了。

十八，三，三一，張子徐味冰寫於蘭州




著者十四小像



著者三十七歲小像



著者跨駝小像




長途駝隊旅行



蒙古人之住所(夏時)



力圖人古蒙



(日夏)毛羊剪人古蒙



鬼跳人古蒙



步代駝跨人蒙



著者二人由庫倫歸國乘汽車出發像

# 庫游雜存

漢陽張子徐味冰著

## (一) 導言

蒙人體力之強及其性情之伉直

我國人對蒙之失策

今後應取之方針

洪惟我國家，合漢滿蒙回藏五族，建號中華民國，泱泱乎亞洲大陸之雄風也。凡五族之民，固皆吾同胞，吾手足，譬若一家然。此昆季五人者，使各效其天賦之特長，以從事於生產，斯其家之熾昌，且未有艾；夫豈僅兄弟鬩牆，外禦其侮云爾哉！吾既再遊庫，見蒙人體魄之強，有迥非

吾人所能企及者；蓋山風沙砭其肌骨，冰雪澡其精魂，固若天地特鍛鍊此堅固之種人，以待吾國之運用者。而因謀生較易之故，其天性亦多佞直，鮮譎張機詐之習染。嘗見吾國之與交接者，倘一人而得其信仰，則終身不渝；或一事而獲其同情，卽肝膽相向。乃吾國人惟龐然以華夏神明之胄自矜，而鄙他人爲夷狄。其互市之商賈，尤以售其詐僞於蒙人爲得計，更無責焉。噫，我有手足，如此雄強，我有幅幘，如此沃衍，我願委而棄之，謂爲失策，寧能爲諱！今而後吾國人其憬然自悟，欲然自責也。進行之方，第一，不外掬誠相待。我先民之訓曰：言忠信，行篤敬，雖蠻貊之邦行矣。我總理之言曰：聯合世界上以平等待我

之民族。我欲人以平等待我，而我乃不以平等待人，烏乎可！此固非迂濶之談，觀於明清兩朝之往事，足以徵焉。有明一代，邊患亘爲終始。至遜清則蒙藩世爲懿親，優禮有加，斯邊患亦殺。第二，中學以上，均設蒙文蒙語一科；其接近蒙境各省區，尤須有此項專門學校，養成此項人材。同爲一國之民族，乃文言不通，情感睽隔，卽無外人謀我，又何怪其遺我獨立乎。第三，多設蒙邊委員，凡吾民之市欺蒙民者，胥董治之。至於因時因地，政策經緯萬端，固非不才區區之說所能罄，吾特就所見以獻替於國人，俾發其端而引其緒，譬猶江漢之濫觴，大輅之推輪焉耳。

(二) 余之赴蒙任務

西北邊防督辦張公之江 國民軍總司令馮公玉祥 檄味冰 赴蒙辦理要公，凡一切來往文電，原書本皆彙存，以非本書範圍，故概從刪略。

(三) 外蒙政治情形

著者所見聞之外蒙政治情形，固頗有足資研究者，然因守外蒙政府某君之約，亦不發表。與前條之赴蒙任務，均請閱者鑒諒。至其他共見之政策，篇中亦略見一斑。

(四) 兩次赴蒙旅行之日數及經過之路綫

由包頭以抵庫倫，約三千里。由寧夏以抵庫倫，約四千餘里。初次民國十五年七月一日啟程，七月八日到。二次十

五年十二月五日啟程，十六年二月十三日到。其經行之處，有八字灰豚阿母利亞衙門等地名。大率蒙地居住無定，既鮮村落。嘗以指北針購準前進，雖陸地儼然泛海也。

（五）蒙古途中之氣候

第一次赴庫，時當夏歷六月，余乘汽車，全御熱風而行，其熱度之高，較內地覺逾數倍。良山平沙無際，既鮮樹蔭及山水等調劑寒溫，故炎歊逼人。自上午十時至下午五時，酷暑爲煩，幾不能耐；迨夕陽西下以後，則涼風習習，漸至御重裘乃已，早晚皆然。蒙古途中，一日乃具有四時氣候。若冬令之奇冷，當別詳之，

（六）蒙古人之衣食住行

（衣）普通以羊皮爲大袍，一裹圓式，前後皆無叉，所以禦風。富者始用馬蹄袖，以代手套，貧者則長袖而已。並加布面。男女皆御袍，尺度甚寬濶，必束以帶，晝以爲衣，夜以爲被。惟不知潔淨，食後以衣拭手，油汗狼籍，卽大富人以綢緞爲衣者亦然；若轉以衣之多油，爲表示其潤綽也者。

（食）大抵夏多以馬牛羊之乳，爲唯一滋養品。冬煮馬牛羊之肉爲食，半生半熟。羊肉之味，腥臭撲鼻，在習慣者，固以爲芬馥也。馬乳若紹興之花雕酒，略酸，蒙人謂其能療肺病。余固有肺部微疾，然終不敢嘗，乃援古人不食馬肝未爲不知味之語，以解嘲焉。獨冬日以極濃之牛羊油

爲飲料，余初亦不能入口，蒙人謂別有作用；（一）提高體溫，（二）保護皮膚，不飲此，則肌肉每致凍裂，試之良信，乃強啖焉。

（住）支木爲架，傅以厚氈，或二層，或三層，視貧富而異，其全形圓而墳起，名曰蒙古包，蓋卽古之穹廬也。闕小門，僮僕而後入。包中置鐵架，亦圓形，燃火爲食，富者則另以一包供炊爨。其所居之包，施以氈氍毹，並陳設小几銅佛種種，亦頗有華麗者。惟席地坐臥，則貧富皆同。冬日則包內人畜混雜。包外則無論冬夏，馬通牛羊糞之屬，恒積數尺，轉以糞多爲其家豐厚之徵云。

（行）蒙人以乘馬跨駝，爲唯一之交通利器，雖青年少婦

，三尺童子，倘有所適，亦惟駝馬是賴，且其行亦甚速也。

（七）蒙古人之財產及營業

蒙人專以畜牧爲生，故逐水而居，其財產亦視其牲畜之息耗爲斷。常有一女子而牧馬羣逾千者，牛羊數亦稱是，蓋其初需資本頗廉，但須勞力善爲牧養，孳乳極速，積一二年而蕃息倍蓰矣。大抵蒙人懶於修飾，而勤於治生，我內地人則反是，所以貧富懸殊也。

（八）蒙古之貨幣及其經濟政策

蒙古銀幣，每枚重五錢。蒙古政府，爲抵制我國貨幣起見，我之銀一元，只兌換彼七角，始可通用。而暗中則收鑄

以爲蒙幣；我國貨幣二元，即可鑄蒙三元。其市面通行蒙古鈔票，有一元五元十元二十五元五十元百元數種。中交鈔票，概不行使。又現洋出境稅極重，現洋入境稅輕。蒙鈔出境稅輕，中交票雖無用，而入境亦重稅。蒙人之抵制經濟侵略，遠非我國所及。

#### （九）蒙古教育及其消極改革宗教政策

蒙古近亦知教育重要，創設學堂。而其宗教之信仰力，尤極濃厚。向來崇拜活佛，凡家有兩子者，必令一子拜佛，甚且有二子全拜佛者，積習牢不可破。蒙政府以積重難返，辦理少不得當，轉生窒礙，故任蒙人青年入喇嘛教，但須經中學校畢業乃可。其結果則凡受中學校教育者，均不

願拜教矣。蒙政府政治手腕敏活如是。

(十) 蒙古之交通

蒙古地大無垠，然消息則極靈捷。無論何人，足跡一履蒙境，雖遠隔庫倫三二千里，當局者於三四日內必知之。凡蒙政府發布之命令，亦能於數日內，遍傳蒙地。以視我國有線電報、三千里外，即須逾四五日以上，能無汗顏。蓋蒙古每五六十里，設一台站，每站招集蒙民之有車馬者，十餘家或廿家，使居之。免其徭役徵稅，令專供傳遞重要公文，或派送來往要人。到站換馬換車，皆極迅速。車爲兩輪式，高不及三尺，前用一馬挽而引之，車旁另以一人騎馬，攬轡御之前駛，每小時可行五十里。余二次赴蒙，

因雪大駝已凍僵多半，蒙政府特令台站備車乘余，時離庫倫尙五百里，乃半日強卽行抵庫；然余則心搖頭眩，周身骨節皆痛矣。至於電話電報，則僅庫倫附近有之。

（十一）蒙古之關隘及其檢查嚴

余兩度赴蒙，均無蒙政府護照，且事前又未通知，蓋因消息隔絕，始命予探險前往。而身着灰色軍衣，既爲人所注目，又因長途跋涉，不能不携槍自衛，故每過一關，靡不飽經挫折。按蒙古固無形式上之關卡，不過道旁設數蒙古包，使若輩邏者居守之。然蒙地既廣濶，關卡亦有可以繞越者。余第一次由包頭乘汽車至蒙，長驅直入，如入無人之境。直達庫倫，卽被關卡扣留拘押，並將隨從員司，隔

別使不相見。再三審訊凡一日，言語不通，困苦萬狀。且一日不得一勺水，不得一粒米，自分將從此幽囚，永不得見天日，故於審訊者來，莫不痛斥蒙政府程度幼稚。經彼譯人轉述後，似有動容傾聽意。旋有某官轉達內防處處長，該處乃派人押送西北軍駐庫辦公處，經吾軍辦公處證明，余遂得恢復自由。二次遠適異國，自不能不委曲求全，功令在身，又萬無退卻之理。彼既查無護照，進退皆所不許，不日須俟庫倫政府命令，再定行止，即日須送至主管機關，聽候處置。其主管長官駐在地，既不能預知，於是詔之東則不敢西，命之南則不敢北，迂曲迴旋，不知凡幾。以寧夏至庫倫里數計，余行度至速，又常日夜兼程，至

多三十餘日可達，乃遲至六十九日者，皆食若輩之賜也。

(十二) 蒙古之天然弭盜法

蒙地遼濶，而消息甚捷，關卡邏守，見則決無故縱，具如前所述。而其天然之弭盜法，尤有二端；一，有極長距離之無人居處，既非步行所能涉足，且無從覓得飲食。二，蒙人腦筋簡單，見外來之異言異服者，卽深切印入，歷久不忘。雖三尺牧豎，亦優爲之。每遇一人策馬過，童子亦能細述其人之年貌衣履，馬何色，鞍韉何式，鞭轡何種，皆歷歷如繪。盜賊一經逮捕，鮮得脫者，天空海濶之戈壁，乃轉不易逃遁也。

(十三) 外蒙物產之豐富

蒙地物產，除牲畜尚須人力牧養外、其餘天然佳品，如皮張之貂獺猞猁均有之。狐皮色紅而絨厚，較甘肅所產者尤良。他如麝香鹿茸羚羊角等，皆可寶貴。庫倫附近所產水晶尤佳。蒙人乃禁止開採，任其貨棄於地。

（十四）外蒙之森林

庫倫無煤炭，以木爲燃料，以直徑一二尺，長度數丈之大木，聳直不曲，皆吾國所珍爲棟梁之材者也，乃裂之爲炊，殊屬可惜。（庫倫有專鋸木爲柴之工人）以庫倫民居數千家。每日之消耗已巨，冬則以取煖，而庫倫對面之山，森林仍復茂密。若交通便利，大可供我國枕木電桿之用也。

(十五) 外蒙之商業

庫倫商業繁盛，品物咸備。然資本雄厚者，多係俄商，亦有蒙俄政府合辦者，如西合公司等是。大抵多以俄婦之諳蒙語者爲肆中經紀，亦大半傭雇一二華人，以便招待不通蒙語之顧客。其習慣無論購物與否，可以自由參觀，故男女雜選，爛其盈門。而蒙古妓女，（現已禁娼遂進一步而爲暗開門）亦趁此時機，招引夜度之客。至我國人經營商業者，大半以山西綏遠天津等處人爲多。自庫倫獨立以後，一則損失甚巨，二則稅收極重，已不復昔日之盛矣。

(十六) 我國人之外蒙僑居難

吾國人僑居外蒙者，不分行住，每人年納人頭稅十二元。

行則有路照，每照納費一元。住則有地捐，其數目分上下兩等。（廟宇附近及官之駐在地爲上等，荒郊爲下等。）營業照更分九級，銀數自五兩起，至一千餘兩止。庫倫生活程度亦高，卽一僕役，亦日需一元云。

又途次值一津商，夙以販運茶糖布疋爲業，以關卡留難盡貨其所販以爲食，積日既久，負債無可取償，乃以其夥爲質，而自回張家口取資斧。述其所遭，淚涔涔下。此商所云，雖不免有過當之詞，固未敢卽謂爲皆實，然行旅之難，已可見一斑。

（十七）不諳蒙古語言文字之旅行難

蒙古既自有語言文字，則欲溝通兩族間之情愫，自非文言

兼曉，或語其一焉不可。余乃於蒙語蒙文均無所習，而衝命遠征，其感受困難，有不可以悉數者。茲略舉一二事，以概其餘。在審夏出發時，偕繙譯行；其人產內蒙古阿拉善旗。余所乘之駝，駝夫亦該旗籍也。既優給儲值，及供食飲之外，復畀以皮衣褲皮被等以厚結之，乃終爲蒙不爲我。行至八字灰豚蒙卡，經俄人及我國商人告余，乃知之。其尤險惡者，行經某大山時，（蒙地山亦多一入山則二三日常在山上或山澗中行）於某晚二時，繙譯與駝夫攜糗糒，跨駝而逃。余向病失眠，至丙夜輒醒而不寐，幕外萬籟皆寂，忽聞雪地駝足，履之瑟瑟。然駝蹄皆軟肉，故踐地無聲，能善行戈壁沙石之地，今因有積雪，乃得聞。

初疑爲盜，亟呼傳令兵起，視之，則駝與餼糧已不知去向。際此生死關頭，傳令兵咸憤甚，欲得而甘心，乃悉出覓之，夜黑不辨行徑。傳令兵閻鳳山傾跌入山溝中，時許不知人事。余亦蹈山下，賴雪厚如綿，幸無傷，直擾攘至天曉，乃得駝跡，而遂至山中獲之。兵士皆欲飽以老拳，至有將發彈斃之者，固激於一時之忿，而不知身陷異域，言語不通，除倚賴外，實無良策也。余乃一一慰解之，自此遂明加籠絡，暗加監視焉。

一日，行經一廟，見喇嘛僧數十人，有執斧而歌者，有執鋤而呼者，亦有持剪持刀持鋸而唱者。一唱百和，圍而觀者如堵牆。余以不諳蒙語，懵不知其云何也。

又每經一廟，無男無女，老者少者，咸聚而觀余，且互相耳語。若能與之爲席地之談，則於彼風土人情，所獲必多也，思之猶覺可惜。

（十八）蒙古人之嗜酒

蒙人嗜酒，且喜爲轟飲，常至大醉，洵有杜老長鯨吸百川之概。蒙政府雖懸爲厲禁，不能止也。余二次經東達公界時，乃得酒之效力以脫險，幸哉！時東達公內蒙轄地，已入奉天範圍內，余至其境，忽遇跨馬荷槍者十餘人來，余所携之手槍隊，亦逾十人，竟欲與抗。余以蒙地情形不熟，抑之使勿妄動。迨彼至前，詢爲何人，如係西北軍，非繳械不可，並搖指某山巔某山半各有駐軍若干相示，恫喝

不已。余既不能直接與談，不能不假手舌人，又以繙釋之不可恃，恐其狼狽爲奸，愈足憤事，乃屬以簡單之答語致意，即出酒爲餉，（因第一次探路前進，每遇一人，必問有酒否，能給我一杯飲否，故此大攜酒甚多。）恣其狂飲。不移時，酒之功用既作，蒙人舌已木強，大聲呼數字，詢之繙釋，則曰蓋謂你是好人也。繼聞其喃喃作此語不絕至二三十次。余見其可以情感，乃復叩之曰，君謂四山，皆有軍駐守，我將何以渡過耶。彼曰不妨；彼如詢吾，吾即謂汝等皆東達公差往公幹之人。惟須在夜十一時過山，使其不易辨識，尤須將灰色軍衣反着之，使作羊皮襖乃可。余乃一一如其教行之。及夜十一時，余等徐徐前進，惟

聞山上詰問聲，彼之應答聲，刺刺不休，不知何語。既過山，猶面熱心驚不已也。

（十九）蒙古人之戀愛自由

戀愛自由，實行公妻，此種口禪，在蒙地實行已久，除庫倫附近各地，尙知有婚姻制度外，其他蒙古婦女，固不知所謂貞操，及從一而終諸說也。凡能操蒙語者，不必爲蒙古人，隨時隨地，均可入蒙古包借宿，並餉以一飯，（較漢族大方，無論何人，凡入門者，必留飯，冬日則煮大塊羊腿食之，）飯後席地而睡，男女混雜，登徒子之流，大可染指於鼎，飽嘗禁嚮，不特女之父母在旁知而弗問，卽其夫亦不問也。故蒙人生子後，多拜門外繫馬椿爲父，相

傳蒙古人認母不認父，卽由於此。惟戀愛過於自由，斯楊梅大毒，亦隨之爲駢行之發達。沿途所見中年婦女之腐鼻赤睛脫眉陷額者，乃甚多也。

(二十) 蒙古人之善騎

畜馬者嘗於數百馬羣之中，指取其一，靡不得者。馬羣卽率牧於水草廣場，從未施以轡銜之野馬也，取之之法，無論男女，自乘一馬，或有鞍，或無鞍，兩手執長繩以套之。被套之馬，驚而絕馳，取之者隨之。其施手術時，或立或坐於馬上，咸無傾墜之患，儼然有馬戲專門技術之觀焉。至婦孺他適，亦皆乘馬，皆振策如飛而去。余空爲昂藏男子，對之亦有愧色。若僅以馬術論，吾人匪但落伍，直

不足與彼族較長短也。

(二十一) 蒙古道中之所見

野獸極多可獵以爲食

天然風景之可觀

寒之凜烈

駝之可憐

蒙人之廟宇

蒙人之屋宇

蒙地既廣濶無垠，嘗一二日不見人影。至二次赴蒙，則因每歲嚴冬，蒙古包皆移深山中，足不出戶，雪又極大，故行半月，不見一人。沿途黃羊大頭羊均有，大頭羊重五七

十斤，頭特大，故有是名。余曾獵得其一，蒙人俗傳謂爲神羊，獵者食者，咸必死，迷信若是。余獵得後，隨從諸人皆惑於是言，初不敢食。余以既爲神羊，何致爲人所獵，反覆喻之，衆乃食。其味甚美。黃羊善走，甚不易獵。余第二次途次絕糧，卽全以獵野爲生活，隨行隨獵，隨得隨食，味如野鴨，不似普通羊肉之腥味甚烈也。狼亦甚多。第二次經大山中，饑狼數十成羣，嗥聲震山谷，惜方欲赶路，又因夜半不能瞄準，但然槍示威而已。蒙地亦多山，亦有天然佳景。第一次汽車行至一山溝中，曲折蜿蜒，行一日始罄。蓋數百里矣。兩岸皆高山，山麓老松怪樹，槎枒盤錯，極攫拿騰躍之勢，儼如一幅巨師萬

木圖也。

第二次乘駝行經某地，皆作赭色，凡六七十里，又間以極短之樹，雖樹高不滿二尺，而青葱茂密，老幹陵寒，雖值嚴冬，並無彫零之色，亦極可觀，惜不知其名。又一處則遍地黑石，其黝如漆，可以鑑人。又山溝有五色石如卵，或具各色細紋，均足娛目。

由笱夏赴蒙，日向北行，正值三九之候，愈行愈冷，鼻息出，亦結冰顆如珠，綴鬚及唇際。雖居帳房爲食，箸少停卽發粘合性，異哉！

少時聞人說，塞上奇寒，溺則持短棒，旋溺而旋敲之，否則將凝成一曲綫云，初以爲此三家村學究談西遊記耳，及

余至蒙地，雖不至如所云之甚，而便溺至地輒凍，固事實也。便時緩衣解裳，風砭肌如刺，大便必經三四次之起立，蓋久蹲則腰部及兩腿均木強不利動作，凍極則僵，信然信然。

第二次名雖跨駝長征，實則乘駝不及半時，卽周身如在水雪中，非步行一時不煖。而步行之難，則一步一顛，雪深三四尺，舉足若萬鈞之重，且遍地裂紋如繪，其裂作溝形者更多，浮雪掩蔽，步履尤慄慄有戒心。某夜，風怒號不休，所携帳幕，均不能張，無以然火爲炊，饑則愈寒，乃強習跑步，迨天明風息，乃得支幕謀一飽。

離庫倫約千里，其地不知名，大雪深五尺，真若凍合玉樓

，水晶世界，某夜當寅歷正月中旬，月色皎潔，映以雪色而益明，余夜行雪上，人影駝影，了了清疎，此等境地，印入銀幕中，大有可觀。余素不喜觀劇，而好觀電影，每回溯此事，固儼然身在箇中矣。

駝能十數日不飲食，僅飼以少許之食鹽耳。余行入外蒙境，則冰雪之外無世界，駝更何處覓得水草。日行夜行，寒威相逼，駝之口鼻皆滿結以冰，積久愈厚愈堅，致不能張口，作不平之鳴，聲嗚嗚然慘甚，無日不如是。足趾破裂，步步留血痕，雪地中鮮明炫目，視之心怦怦動；行久力乏，每數十步作臥倒勢，然鞭之尙起，再行數日，則數步一臥倒，雖鞭笞至百，不起，亦不鳴，可憐伴我長行之駝

，至此遂不能不委棄路旁，聽豺狼之果腹！駝至此，卽休息一二日，遇人收畜之，亦不能動；余出發時，乘壯駝三十，其如是結局者凡二十一，駝亦不幸也哉！（據蒙人言蒙地值大雪之後，卽深居山中駝亦得少休，哀哉！吾所乘之駝其遇如此，故爲詩弔之，）

蒙地既專奉喇嘛教，建廟亦多，有宮殿式者，亦有半西式者，建築均致堅固。

凡廟宇附近，必有屋宇，非若沿路之僅見蒙古包也。但蒙人喜住蒙古包，恒於屋之院落中，仍架蒙古包居之，包中有陳設美麗者。庫倫爲彼都會之地，亦多如是。

（二十二）觸目驚心之往轍

第一次赴蒙，沿途所見人畜尸骸甚多，有尙可辯識者，有殘缺模糊，不可辯識者。至白骨磴磴，幾如遍地碎石，司空見慣矣。此皆以前旅行蒙地之結果，可憐葬身絕域惟陳尸廣漠，終古化爲青燐，若輩亦有家屬耶！抑知之否耶！唐人詩云「可憐無定河邊骨，猶是深閨夢裏人」傷心哉！吾人探險遇此，真有對此茫茫百端交集之感，然丈夫以身許國，亦惟有置生死於度外耳。

（二十三）詩

一遊庫道中作

汽車誤入大沙漠濡滯不得進餼糧又絕水料且罄（汽車無水）隨從咸有憂色余就沙中賦詩以慰之

平沙漫漫望無際，方謂坦途往攸利，庸知一霎步艱難，蹙輪羞澀膠漆膩；有如蛟龍辱泥塗，英雄乃失用武地，又如鷹隼入樊籠，勁翮莫向天空麗。我車曷攻我僕痛，驚心餅馨乏糗糒，茫茫四顧乾坤大，海中一葉身如寄，飄茵墮溷隨所遭，詎信才爲造物忌。吾儕徒手無斧柯，救時勿餒凌雲氣，百折不回排難關，終與同人占既濟。

汽車行三日不見一人夜不成寐有感而作

我生楚鄂曰江鄉，摩肩擊轂人熙攘，壯年負笈遊歐陸。彼都生齒尤蕃昌，人滿地蹙競爭府，弱肉終須供飼強。竭來廣漠所感殊，縱橫千里盡荒涼，眼中歷歷更何有，草色青青沙色黃。二者避面如尹邢，若沙與草實相妨，蹇然足音

使人喜，千秋奇語思蒙莊。長途伴我慰寂寞，夜深月黑號  
饑狼，此聲未許他人聽，儼然龜茲瘳築多激昂。

二庫倫再遊紀念

其一

駝！

汝腰腹如牛，

汝長頸如虬。

憶吾與汝初見，

詔爲動物之尤。

嘗知吾此生之歷史，

與汝有至親切的生活。（跨駝六十九日探險抵庫）

至重要的供求。（雪深三四尺汽車失其效用）

汝能乏水不飲，（卽吾人飲料尙係煮水爲水）

乏草不食，（無草）

度日一週，（每一星期略給少許水飲少許鹽食）

而行不少留。

吾寄身汝雙峰內，

一步一點頭，（駝行一步吾點一頭個中滋味惟曾騎駝者能

知之）

穹廬萬里，

得大自由。

吾將謚汝以『沙漠大王』之號，

紀念吾第二次庫倫之遊。

不日贈汝以沙漠大王之號，而曰諡汝以沙漠大王之號者，因由甯夏出發時乘駝三十匹，及抵庫倫，僅生存九匹，其餘則葬身於途中。

其二

雪！

汝何皎潔。

汝與戈壁平沙，

關係密切。

終日霏霏不少歇。（晴明日仍小雪霏霏）

大地上一片銀裝，

仰天大叫奇絕。

只是坑阱凸凹，

都因凍裂。

頭幕重冠，身御重裘，（悉用老羊皮製）

頃刻僵如鐵。（如一刻鐘不行動則寒氣透骨）

將徒步取煖，

步入軟沙，又愁蹉跌。（雪深路滑高低不一大抵行百步必

蹉跌十數次）

費我鉛筆一枝，

日記幾頁，

寫不盡寒威凜烈。

雪！雪！雪！

此再遊庫倫紀念之二節。

### 其三

我名味冰！

問世人(味)冰如何，

須讓我閱歷偏多。

夜則冰上臥，（蒙地雪降地後卽凝成堅冰愈積愈厚常掘地

三四尺而猶見冰）

席地冰上坐，

供饗殮，供茶薺，

都靠這堅冰消磨。（入外蒙境則非已全冰隨地煮冰化水以

供飲食）

古井少波瀾，（內蒙寒威稍殺故井上蓋甃猶可汲水）

上蓋厚甃，

汲深透骨寒，

四圍水晶盤，

珍藏冰雪水，

與南方舊醅家釀一般。

履冰堅，

步冰難，

此再遊庫倫紀念之三端。

再游庫倫歸國賦此誌感

草：勞人出不支炎風朔雪  
任奔馳置郵傳命祿乎技紀  
異存生寫以詩一覽終多辛  
苦淚再來恰遇早寒時自從  
頭觸屏風後傲骨洵宜雪凜之

卷二

江岸朝宗繞澤陽南天弔里入  
清蒼仲宣俛仰登樓或蘇子沉  
淪去國傷閑底晴川猶歷三海分  
雲樹總茫茫白羽親在禁回首遊  
子何堪更陟岡

卷三

他族胡然未偏處可憐借鏡取三  
郭預人家國居心巨撒我藩籬痛  
齒寒日下新同傷阻絕雪中進步  
太踰冊南洋坐見許姬老故喚同  
胞覆轍看

至四

一日居於四季周天風之箭射透重  
裘乘駝豈免徒行苦獵獸何狩  
為食謀呼吸寒威冰在鬚此荒涼  
廣漠月當頭儂家飽膏長征味  
但祝民勞可小休

五

清景當亦自娛  
北未驚見歲  
云祖元章欲拜千山石巨老能傳  
刻木圖戈壁縱橫駝血艷穿廬  
柔軟馬道鋪封姨不使張帷幕  
從倚寒郊有餓夫

卷六

吾頭吾戴歸來日合誦延年慶更  
生博望乘槎通朔漠班超投草奮  
功名但教玉帛聯新誼從此填篇奏  
雅聲他日輜軒必向俗言紀實句

初成

張子徐味休自題  
十六五二一

### （二十三）結論

吾既述外蒙狀況，以成上之二十餘篇，凡以吾所身經目覩者爲斷。至若彼土之位置，與夫歷史之事跡，及其他應紀之要點，則固有蒙古專門之紀述在，非吾書所能賅也。顧吾不惜筆墨都爲此編，以餉吾國人，欲人之讀吾書者，當注意之點一焉，則庫倫獨立以後，吾國人之於彼地，政治經濟，皆較前大遜，此不可不深長思也。夫外人之謀他國，常以嗾其獨立，俾脫其母國之範圍，爲第一步。證諸南洋諸國及朝鮮之往事，則既然矣。當此危急存亡之際，將以誠意，喚醒蒙人，非吾國人之責而誰責者。故吾儕今後之對於蒙人，必宜一洗其從前之觀念，勿鄙其野蠻，而但

賞其雄強，勿嗤其不潔，而但取其渾固。天下之物，美麗者不如簡樸之堅，人亦猶是耳。袁子才曰，美人自古如名將，不使人間見白頭。然則彼蒙人之所短，亦卽其特質所長也。故成吉思汗，遂能奮其鐵蹄，駁駁乎凌踏全歐，樹震古燦今之武烈，固非倖致。吾國人而善聯合之，組練之，卽雄飛世界，抑又何難。彼區區之武士道，大和魂，及遜清之索倫兵，俄之哥薩克騎，又奚足方駕哉。吾草此文，乃不覺有如茶如火之熱潮，來襲吾腦海。又若有至雄至偉之新中國，突現吾眼簾，繫我國人，蓋興乎來！

## 跋

著者以弱質書生，又多痰疾，而有兩次庫倫探險之役，且當嚴寒酷暑之時，愛我者則欲尼其行，惡我者則詛其必死，卽隨從諸人，亦惴惴焉若大患之將至，殆必無幸也。顧余獨毅然不顧而行，卒能於絕域，復慶生還，告成功而歲所事，詎非幸歟。善夫釋氏之言曰，萬法惟心，天下事心以爲難，斯難矣，然則兩役之幸不辱命，皆余不畏難之一念所構成。故歸國之後，當道諸公，以堅苦卓絕勞苦功高等項聯額及銀盾相贈者甚多，惟余奔走黨國，垂廿餘年，鬱鬱寡合，無所建白，近頗覺悟，生平受病之處，中於熱腸者一，中於直心爲友者一，中於努力過甚者又一，心如

稿木，頹然無復進取意，卽斯編之作，非以炫吾能而張吾績也，實欲使國人了然於外蒙情形，俾得以後應付方針。吾書固自有精神，自有面目，是以未將前類匾額編入，且不乞當代名人一序，閱者鑒之。噫！華年四十，兩鬢星星，大好頭顱，倏焉老大，自己往事實觀，吾固能以不畏難之心自勵，而卒之不得不頹然自放者，夫孰使之然也。

民國十八年七月張子徐味冰自跋於甘肅蘭州



勘 誤

---

頁 三三〇

行 二二三

英雄乃失用武地  
我僕瘖

雄誤確  
瘖誤痛



#6  
112312